


聖教雜誌

REVUE CATHOLIQUE

中華民國三年陽曆八月

天主降生一千九百十四年



N. 32

第三年 第八期
要目

- 插圖○山西潞城安多尼公學及河南南陽新岡小學之攝影
- 論說○新經與古經之真相
- 傳記○拂勒特利奧惹那末傳畧
- 專件○公教青年會章程
- 宗教研究會簡章
- 近事○羅瑪之部 本國之部 外國之部
- 國民須知○衛生要旨 新定各省所屬道區域表
- 中外大事表

聖教雜誌價目表

本報月出一期全年十二期

報資全年大洋八角

郵費全年 中國郵局 一角二分

(註意) 報資或預付或交由近處天主堂滙付

凡不便寄銀與無郵局滙票處可以郵政票抵

代

凡訂閱五份九扣十份八五扣二十份以上均

八扣

凡訂報須開明住址姓名如某司鐸某先生等

凡兼訂聖心報者請來函聲明

凡閱報諸君有增減報章惠付銀洋改移住址

等情須來函詳細聲明並將原封報條寄下

一紙

本報第一年合釘一冊價洋四角五分第二年

合釘一冊價洋六角半重印前六期洋一角

本期插圖說明

左圖二幅上為山西潞城安多尼公學攝影下為河南南陽靳岡小學校攝影上圖中坐者一為現在管學之成司鐸捷三一為前任管學之劉司鐸(戴眼鏡者)其餘皆學生

辨道應用書籍

邪正理考

正教大益

耶穌真教

真教問答

聖教理證選要

人生重要問題

辨護真教課本

聖教理證

答問錄存

哲學提綱

四角半

二分

二角四分

七分

二分半

七分

四角半

四角

將出

六分

八分半


一元二角

全部六冊

第一冊

第二冊

第三冊



缺插图

論說 新經與古經之真相

法國經學大家勒賽脫爾司鐸著

械材譯述

聖經者。天主之言也。全部聖經。俱出於天主。而教訓。而命令。而懲示。懲賞。以戒勸我者也。天主之默示。至新經時代而告終。聖教會仰承主旨。自初時以至天地終窮。所有道理及倫理上。信道之發揮。悉自此中推衍而出。無增損亦無更易。第就天主默示所含而不露者。發明其奧旨。使之軒豁呈露而已。

昔吾主耶穌。嘗明告宗徒曰。：「凡子聞於父者。皆已示汝。故以友稱汝。」又曰。：「聖父因我名。與汝撫慰聖神。渠以我所訓。悉示汝。」又曰。：「俟真道之神至。教汝衆理。」（若望經第十四十五章）天主所默示者止此。世人不能有所增加。至於默示之大成。非在天堂上面見天主不能得。而現在之進步。惟在一般教友。因聖神默導。及聖教會保護提挈之中。覺悟其默示而已。至以古經論。則與新經有別。聖保祿曰。：「法律之能力。絕不能引至成全。」（致如德亞人書第七章十九節）於信道及倫理救靈方法各方面。莫不如是。蓋古經者。我等之蒙師也。蒙師教育兒童。爲畢生學問之初步。古經教訓我等。爲聖教道理之發軔。古經之能力。不過引我等至基利斯督之前而已。至於完全之光照及聖寵。非蒙師之責任。自有高明者爲之指導也。

夫蒙師所教者。係由漸而進。視兒童之明悟。以定教授之方針。天主於古經。猶蒙師之教科書也。亦由漸而進。引導如德亞人。棄其先祖所敬之偶像。徐徐與新經之信德接近。其後聖保祿於哥林多人。亦用此法。謂其人曰。我以乳喂爾。不以堅實之物食爾。從前爾等不勝任。現在仍係肉身。尙未有此力量。（致哥林多人第一書三章二節）

由此以推。可見古經與新經。在信道倫理精神効力各方面。有最要之分點。爲我等所不可忽視。無論爲自己。爲他人。凡欲明瞭教中道理者。均宜於此加之意也。（按著者發論專指古經之信道倫理法律。至於古經中如聖咏等類所發讚美。依恃愛慕天主及謙遜認罪等善情。甚可爲吾人表率。聖教會每日聖祭及日課等經時常用之。閱者不可誤會譯者註）

二

古經上信道發揮。每由漸而進。古時人民心理。以爲一種民族。卽有一種天主。保護維持。使彼等戰勝仇敵。執鄰國之牛耳。天主謂亞巴郎曰。是我結我永遠之約。與爾及爾之子孫綿綿延。相傳弗替。使我爲爾之天主。及爾後來子孫之天主。（創世經第十七章七節）天主在如德亞人身上。曾發顯威嚴。以權力、公義、仁慈。簡如德亞人爲彼之百姓。如德亞人亦尊爲彼等民族之天主。彼等觀念中。以爲我有我之天主。彼有彼之天主。不知普天之下。唯此獨一無二之天主也。及後因天主之默啟。彼等之意思界。乃日漸擴充。天主謂之曰。爾等在林林總總中。爲我之特

別子民。蓋大千世界上。自東自西。自南自北。無非我所有之土地也。（出谷經第十九章五節）
 後天主又在西奈山發顯。謂如德亞人曰。我是爾之天主。爾不應別有天主。我不喜爾等恭敬
 別有所謂天主。（出谷經第二十章二節五節）天主之意。乃眷顧義撒厄爾人。使之戰勝仇敵
 也。特於所以愛護之意。有時不明顯其舉動。如德亞人遂步鄰國之後。舍真實之天主。而崇拜邪
 妄之偶神矣。雖然。如德亞人之所以爲此者。非完全棄天主不顧也。彼等之意。一則爲求福起見。
 一則見偶神教之法律簡易。禮節熱鬧。致見異思遷耳。

及先知陸續降世。嚴行責備。於是恭敬獨一天主之心。日堅一日。成爲如德亞人信仰上之最大
 問題矣。迨爲敵國人所擄。歷盡艱苦。恭敬偶像之陋習。卒因天主嚴罰。深自悔改。而遲疑不決之
 心。乃完全消滅。不但彼等信德堅固。而且日積月累。以彼等之信德。傳導於各文化之國。亦足見
 熱心之一斑矣。

然因彼等過於夸大。反將信道破壞。而先知所預備超示三位一體之道理。毫不厝意。固執其成
 見。以爲世界上唯一不能更變之道理。乃由彼等所感化。絕不知彼等之信德。乃由天主積歲月
 窮心力所致也。彼等相反吾主最大之一端。卽吾主耶穌所言。天主卽聖父。聖父有一子卽耶
 穌。之一語。彼等聞之。譁然以爲大謬矣。

在如德亞人目中。明知天主者卽造物主及最高之大主。亦知世界上之事物。須另用一番手續。

重行改造。古經上曾預先默示。使彼等盼望救贖工夫。此救贖工夫。雖先知所預許。實含有靈魂上意思。而彼等則以爲肉身上之救濟矣。因此之故。遂幻成掌管世界之妄想。卽襟加理尙有是言。主義撒厄爾天主。眷顧救贖其民。援我脫仇。出諸憎我者之手。（路加經一章）惟襟加理尙有一語。謂：須義德聖德。服事天主。能救赦彼之罪。與尋常如德亞人不同耳。

彼等企望默西亞之心。日切一日。亦一世更明瞭一世。先知又設爲無數之寓言又喻詞。形容將來之天國。如德亞人以爲默西亞者。必降生於吾民族中。將來可以統治各國矣。

此等道理。本默啟於古經上。彼等什襲珍貴。不許他人破壞。其實乃先自破壞。及至天主下降。聖子誕生。默西亞真正出現。反若肉眼不識聖人矣。

如德亞人知靈魂與肉身有別。二者悉爲天主所造。亦知吾人既死。並非萬事全休。唯於後來之究竟如何。則懵然無所知矣。昔有一先知。曾以死後之事。謂如德亞人曰：此灰塵仍歸於地。此靈魂仍歸於天主。（厄格勒西亞斯脫經第十二章七節）但先知爲此言時。相去已遠。從前如德亞人觀察纍纍之墳墓。甚爲厭倦云：非死人讚美天主。亦非歸於寂寞之鄉者。讚美天主。

（聖咏一百二十三章十七節）

彼等知將來之賞罰。意甚簡單。因見夫世界之上。善人與惡人。處境與行事。截然各異。頗有怨懟。天主上智。安排不公之意。及智識經出世。著者乃將吾人後來之結局。及天主爲善人惡人之結

局自有公義發顯之理。逐一解釋明白。

此項信道問題。及他種信道問題。天主所光照於古人者極少。視其力量之厚薄以定。如引導盲者。不能於一剎那頃。大放光明。又如對於軟弱之人。不能遽施以積極手段。不過使其不失望而已。聖多瑪斯有言。凡無德行習慣者。往往因外緣之感觸。如賞罰。如光榮金錢等等。而作德行之事。因此之故。舊律乃爲不成全。及未得靈魂聖寵之人而設。此律又名畏律。因用刑罰威嚇。或世上之賞報。以欲動其心。使其遵守規矩。不敢蕩檢踰閑。（超性學要二之一編第一百零六問題）

著古經者所言之默示真道。不過就一方面立論而已。但因天主默示之助力。不致相反。後來吾主所言。至於完全真實道理。爲世界上人人所應知者。自有最大之默示。西亞在其後也。若望經曰。法律頒自梅瑟。而聖寵實蹟。藉耶穌基督以成也。人從未見天主。而聖父懷中獨子。親詳言之。（若望經第一章七十八節）

三

古經之言倫理。無異於論信道。經歷無數之變化。非一成不易者也。彼時時教訓。對於天主。須聽命。須恭敬愛慕。對於他人。須公平。須仁愛。非不懇切誠摯也。然其對於如德亞人。則並未強迫其遵守高超之德行。凡奴婢之制。多妻離婚之惡習。爲人性軟弱所不能免者。並不懸爲厲禁。其所

以許古人如此者。吾主所謂：緣汝心忍也。（瑪竇經第十九章八節）
義撒厄爾之倫理。寬於大綱。而獨不寬於小節。凡關於社會交際。及恭敬天主禮節。非常嚴厲。此禮節之規定。雖由時勢及地方情形而定。然一切遵守。拘束殊甚。唯義撒厄爾人之性質。反與此繁文縟節適合。其後被擄歸來。法利叟學士又隨意增加。一時從其言者。不可勝數。
迨吾主耶穌降生。用其權力。禁止學士所定之無謂禮節。並將舊律所寬許之數端。一律革除。回復古時倫理之真相。

聖多瑪斯曾以新舊二律之倫理法律。互相比較。其言曰：新律與舊律無殊。因新舊二經。皆命人服屬於天主者也。然一則發起成全。一則引到成全。一則以畏律縛其手。一則以愛律縛其心。方法雖異。而目的則同。雖然。在古教時代。亦有人希望靈魂上之永遠賞報。而有愛德及聖神之聖寵。此等人名為古教。實則無異屬於新律。猶之新教中人。亦有一種未底成全者。懼主降罰。或希冀肉身之賞報。而勉強修德行善者。（超性學要二之一編第一百零七問題）

所謂新律成全舊律者。即舉古律之缺點而補之也。凡古經上所規定之禮節。純為預表者。新律則完全棄去。不使有絲毫之存留。（同上）

舊律比新律重。而新律比舊律難。蓋舊律多屬外面之事。而新律則禁止內向之動作也。舊律對於內動。並未規定明文。雖嘗為少數人禁止。然亦未定有罰則。（同上）

新律法制。有種種情形。似較舊律爲多。然其所以增加者。欲使一般教友。對於天主所命之事。容易遵行。因此之故。不特不以新律爲繁重。反更較舊律便利也。(同上)

古教新教。雖恭敬同一天主。然天主所求於吾人之多寡者。則視吾人之力量以定。兩教倫理之要端。雖出於一致。而成全則唯在新律。假令以熱心之義撒厄爾。與現在之守規教友較相去甚遠。又如以古教聖人與新教聖人較。更覺霄壤相懸矣。

四

至於兩經之精神。亦非一致。一則欲使依戀肉軀之輩。循規蹈矩。故利用威。一則欲使新產生之(超性界)人類。有習慣之高超德行。故利用愛。

西奈山上之天主。發顯嚴厲狀態。新律上之天主。發顯謙遜良善。一則罰犯法者死。一則代犯法者死。一則天主嚴守自己之權利。絕不寬假。一則欲使吾人與天主。各以愛情相結合。一則於愛字作用。雖非完全驅逐。然究以畏懼爲主。使人不敢不守規矩。一則於畏字作用。亦非完全拒絕。然究以愛情爲主。使各種族各行業之人。俱能隨從救世主吾主耶穌而效法之。

試觀先知厄利亞兩次命天火下降。燒死奧高齊亞斯王所遣之五十人。(衆王經第一章七節至十二節)吾主耶穌及雅各伯若望。因當時撒瑪利亞邑人不納。雅各伯若望欲命天火下降。耶穌責曰。爾不知當有何心。人子不來害命。唯施救耳。(路加經第九章五十五五十六節)

人子臨格。非以役人。乃受役耳。且捨其命。用贖衆人。（瑪竇經第二十章二十八節）大者宜爲長。小者宜爲役。（路加經二十二章二十六節）

古教爲栽培特別一種人民。此種人民。性質倔強。事事以肉軀爲主。天主用強迫手段。不問其願意與否。必欲使爲天主上智安排之一種器具。及天主所定爲普世有關之一大事業。新教則否。願者來。不願者不來。絕不加以勉強。舉從前主人之威嚴。悉以仁慈勸導代之。聖保祿有言：「因天主付我者。非畏懼之心。乃勇敢愛慕節制之心也。」（致第莫德第二書一章七節）

五

精神既不同。兩種法律聖人之力量。亦大有分別。古律之能力。能滌除外面之不潔。然此不潔所由致。仍自法律發生。因此之故。古律功效。但能及於人之身體。而不能及於靈魂。雖亦能發生聖德。然不過法律上之聖德而已。新律則不然。因基利斯督之能力。能救贖人罪。能在靈魂上發生真正聖德。

此力量之偉大。遠非古律能及。故凡生於耶穌基利斯督以前之古人。能確信基利斯督者。亦能得有赦罪。且具靈魂上之德行者。亦有其人。與新教得同一之效驗。古教之祭獻。係依賴的價值。所有暫時有限之効力。遠係救世主之大祭獻而來。

在新律中天主所行之工夫。範圍甚大。圓滿無缺。既以聖寵賜衆人。又因聖神以愛情付於我等。

心中。(致羅瑪人書第五章五節)是以我等服事天主。完全從新心思而出。非按照無效驗之法
律也。(致羅瑪人書第七章六節)

六 結論

茲將以上所言結論之如下。一、我等係新教之子弟。非古教之奴隸。古律有特別數端。專為如
德亞人者。如割損禮。如牛羊祭獻。如古殿中典禮。如守瞻禮七罷工。及如德亞人瞻禮。暨古時法
律禁食之物。聖教會知其原委。悉取消之。從梅瑟法律中竭力救出自己之子。簡言之。凡關於義
撒厄爾人在默西亞未來之前所命者。悉在革除之列。

當初聖教會屬下之人。有從如德亞教中來者。對於古教規矩。咸以多守為是。聖保祿起而反對。
聖教會從之。唯古時信道及倫理。天經地義。亘古不變。而為時時所應用者。悉仍其舊。因此之故。
凡古教中所存留者。非專為如德亞人起見。乃為普天下人所公用也。

聖教會如此堅定。反動力即因之以起。有欲回復如德亞人之舊者。有亞利亞黨派。與古時如德
亞人固執之意相同。膠執天主唯一。為其信道。不認聖子為天主。有辨駁教人。仍欲恢復猶太古
教。固執聖經上所言。守奴婢之規矩。以古教聖人外面之意思。解釋新教聖寵之作用。凡聖教會
所定之種種典禮。使天主教人別於如德亞人者。彼等大半反對之。揚帥恩派。則於教友之熱心
各事中。引入如德亞教之思想。欲以吾人本為聖父之子者。變為天主之奴隸。

聖教會從古至今。竭力攻擊此種黨派。而且毅然決然。保存新律之性質及其精神。不遺餘力。二、凡遇解經及講道時。須將新舊兩經之界限。劃分清晰。使一般教友。知新經與古經。截然不同。亦不可謂古經原文中。已含有新經信道。古時解經者。不免犯此弊病。吾人最宜注意。何則。此等見解。於新經毫無益處也。譬如若伯經上言。彼之神。裝飾天。不可因古經偶有此句。遂以此佐證天主聖神之實有。又如聖咏上言。人食天神之糧。亦不能以此句佐證現在之聖體聖事。蓋古人尙未有此思想也。

信道真實。所默示義。撒厄爾人者。係由漸而來。上文已言之矣。吾人若欲隨己意。以爲增加。以吾主耶穌所獨自親訓者。置之於梅瑟達味意撒依亞之口。則對於主言。失敬殊甚。著古經之人。不過眺見預報。及預兆新經而已。不能卽以著古經者。卽認爲宗徒。及新經之聖史也。故照理不應以後來天主所命者。屬入前面之中。一切照古經原文所言。不必增亦不必減。惟天主聖神所留之寓言意思。則當保存之。不使失墜也。

至於古經倫理。與新經亦非一致。古經所求於人者甚少。有時純屬肉身上事。有時似微有自私之心。如喻言經。及厄格勒西亞斯脫經上所云者。特依傍於世上暫時之賞罰。所以守古律最嚴之人。非事事足以矜式教友。蓋彼一時。此一時也。彼等在不成全倫理法律之下。與我等現在之倫理法律。相去不可以道里計。彼等之德行。雖能勉勵我等。而我等之弊病。不能借彼等以自文。

飾。因彼等所得之聖寵。遠遜於我等數倍也。

又有一不甚相宜之事。即據古經上威嚇之言。逼迫新教中人修德行是也。凡講道之人。往往有此積習。是猶借西奈山上之雷聲。及尼尼弗巴被鸞兩城所受之罰。壯其聲勢。使人不敢不守規矩。如此。則非救世主所言。乃梅瑟與厄利亞之言矣。此二人未有新教地位之聖寵。焉得命令教友。唯耶穌基利斯督及其宗徒。乃真正宣講師之表率。及真正教友倫理之導師也。

三、吾人應牢記於心者。古經與新經之精神。完全各異。以一天主而言語前後互異。非天主故意軒輊也。天主非爲一人而言。故所言亦前後不同。在義撒厄爾人前。則發顯自己意思。命人遵行。以威嚇及暫時賞報。命人恪守規矩。若是者。謂之畏律。蓋天主上智安排。欲使一種人民於一定之時代中。得有一定之效果也。

新教開幕。始用新方法。乃施於衆人及各地方者也。在兩教中。果亦有同點之處。凡古經上最嚴厲者。新經並不取消。新經上最良善者。古經亦非一無所有。

雖然。新經之精神。究與古經不同。新經以愛慕法律。統治普天之下。吾主耶穌不云乎。蓋我軀易我任輕也。(瑪竇經十一章三十節)

今也。天主不唯不嚴罰惡人。姑容麥與稗並長。以待穡刈。予將告刈者。先束稗投火。斯歛麥入倉。(瑪竇經第十三章三十節) 凡遇凶惡與困苦。及他人排擠之中。耶穌則命人忍耐良善。非

論說... 新經與古經之真相

特不念舊惡。并愛慕仇人。爲仇人所求天主也。

十誠中愛慕天主一誠。自古已然。吾主耶穌加一句云。我授汝新誠。相愛是也。（若望經第十三章三十四三十五節）耶穌又謂曰。此愛情。卽彼徒之記號也。

是以無論何人。對於仇敵。或存報復之心。對於惡人。望其得今世之罰。對於天主。則怨其不奮雷霆之怒。以阻止惡人之暴行。對於世上順逆二境中。所謂作善降祥。作惡降殃者。怨天主不彰明其公義。於是受苦之善人。以爲天主不公平。爲惡之惡人。見天主不加懲創。自以爲可軼於法律之外。如此見解。則新經之理。仍將回復於古經之上矣。此則萬萬不可者也。

吾主耶穌相反法利叟之種種虛禮。相反一種外君子而內小人之輩。相反一種專務外表不事靈魂上內修之人。吾主耶穌之意。欲使吾人作事時。時存對越之心。時在聖父監觀之下。

是以無論何人。假令專驚外面之虛文。及各種功效利益。不修德行。不重靈魂上之內修。不隨天主光照中前進。及以天主性命爲前提者。皆相反吾主耶穌之心神者也。

內修者。新教之精髓也。吾主耶穌曰。凡人在我而我在彼。斯結多實。蓋無我。汝絕無能爲。人若愛我。必守我訓。我父愛之。我儕同就彼。與之偕處。（若望經第十五章五節及八節）此等奇妙之事。古經不過遠見之而已。假令有人誦閱全部新經。而忘却與救世主親密結合。及與他二位天主結合。是有意自棄其利益也。

然不能因此之故而輕慢古經。蔑視古經。以古經為無用。古經乃新經之預報。有種種道理。古經言之。新經從而取之。勿意我來廢律。或廢先知語。我不來廢之。實以守之。（瑪竇經第五章十七節）假令抹去古經。則吾主耶穌所行之事。吾人何能完全了解。是以吾主欲得新律之師。能探其庫出新舊諸事。（瑪竇經第十三章五十二節）雖然亦須出之有次序。有見識。使各物各得其所。不失其原有價值。又須照吾主耶穌所訓。以舊酒入舊囊。以新囊置新酒也。（瑪竇經第九章十七節）

傳 記 拂勒特利奧惹那末傳畧 續

漁 人

未離意國之前。奧君闔家至蒙如森修院。朝謁聖本篤聖墓。取道於衛尼士恩帥。以特耳納經愛向楞司聖堂。（該堂為奧君之母幼時初領聖體之處）隨處發表敬謁禱祝之忱。奧君致書於友人。有云：拙荆與做岳母同弟在該堂祈禱。弟之小瑪利亞（奧君之女）端然跪於祭臺。聖所鐵欄杆之前。令人一望而知其為祈禱也。內子於聖堂高原處。採摘一二小花。貯置行篋中。以作紀念。回憶此一二小花。我母幼時。不知幾經歲月之久。足履手玩。目賞心怡者也。然而今日之花。非昔日之花也。惟今日之花。與昔日之花相比。有同色同名。同發馥郁芬芳之美麗可愛耳。不知我輩後生。可否克家象賢。仰法我母之熱心聖德。一如今日之花。與昔日之花。有相似相同之性質乎。

奧君隨時隨地於演說中於授課時於書札內於筆墨間常露出一片至誠無妄穎悟超凡之態度凡教友之精神意想自然而然而出之於口筆之於書令人欽敬不已

著名講道家辣高爾代爾大司鐸嘗論奧君之屬辭吐語其文雅艷麗至誠感人出自天性自然有云博學與口才二者兼於一人此希有之事也奧君埋頭苦志研究舊籍殘編探訪輿地名勝參考古今歷史加以妙想天開睥睨當世上下古今囊括無遺於故紙堆中往往覓得真憑實據加以出奇制勝之筆雕琢刻鏤之詞情致纏綿音韻鏗鏘通今博古有長風破浪之勢加以文思暢達精神豐富焚膏繼晷達旦不寐通宵翻閱墳典措詞鍊句毫無倦色國文之外又通外國方言著撰種種歷史供獻學界令人嘆爲傑作不第天資穎敏使人欽敬亦摩厲參考之功居多所以出類拔萃有如此也以上皆辣司鐸評論奧君之語可謂不刊定論矣

一千九百四十四年陽曆八月

奧君又有二十年朋僚函牘 *Correspondance* 問世（一千八百二十一年至一千八百五十一年）訂成二本一千八百六十九年奧君之夫人朝謁教皇庇護第九時進呈此書嗣奉教皇手諭申謝有云：此等函牘中將汝夫之宗教感觸真實熱心和悅天性恤貧至誠等描摹盡致流露於筆墨之內誠希世珍寶也

第七章 革命遭難 患病善終 歿後誄頌

一千八百四十七年遊歷意國以後奧君病體稍愈回至索爾暴大學仍居講席授徒不幸明年

革命風潮起。奧君不得不稍露政治主見。雖未揭竿稱戈。至少於報界中稍著論說以鼓吹之。蓋亦爲時世所迫耳。

巴黎總主教阿弗爾公。Mgr. Alfred, archevêque de Paris 於六月二十五日亂民起事之日。決意挺身

前往。曉諭愚民。奧君與諸友聞之。求主教准彼等同往。主教不准所求。惟命二司鐸隨侍。及至城外聖安多尼市上。Paulbourg Saint-Anoine 竟爲亂民所重傷。卒至殉難以亡。奧君之不往。亦幸事也。

亂事既平。秩序漸形恢復。奧君仍主講於索爾暴大學。至一千八百五十年。醫生命其專心調養。斷絕一切。醞應。然後退位休息。先遊勃爾達尼。居三月之久。繼同安貝爾君同往英國。參觀一千八百五十一年。晶宮博覽會。返時。自覺病勢漸增。預辭下學期教習之職。遂臥床不起矣。

然某日聞門人切願其主文苑講席。又知尙未另訂教習也。乃遂抖擻精神。勉強入學。升講座。當衆演說。聞者莫不鼓掌。奧君顧而樂之。莞爾語人曰。人謂十九世紀。係個人競爭權利之世紀。而各學校教習。先染此流疫死症。然而余之一生。消耗精神之處。卽在此講座上也。余並無怨憤自憐之意。想亦諸君所共知共諒者。余之性命。至死在汝等手中。不久將見余言之不謬矣。余將犧牲性命。爲汝等忠盡義務。至死不變云。

未完

專件 公教青年會章程

按公教青年會及宗教研究會。皆附設於上海公教進行會中。(其詳情見本期本國之部)

專件 ... 公教青年會章程

宗旨 本會專集教中有志後生。以其職業餘暇互相講習有用學問。以養成聖教及社會人材。並爲進行會之預備。次則研究音樂、游藝、體育。以助餘興。

會所 附設於公教進行會內。

年齡 凡教中後生。年在十五歲以上者。皆可入會。

入會 凡願入本會者。須得會員一人之介紹。由評議員通過。簽名志願書後。即可入會。會員入

會後。須格外束身自愛。不得以會務故荒廢其職業。（如讀書等）致受師長詰責。亦不得假借

會務名目。呼朋引類。嬉戲徵逐。違父母之教訓。損本會之名譽。

會費 會員於入會時。須繳常年會費銀一圓。以後逐年照繳。如有熱心公益。慨捐款項者。則不

計多寡。

進行 分爲四部。（甲）講學部。設部長一人。其進行會會員。亦可報名入部。惟須遵守本部章

程。（乙）音樂部。設部長一人。餘同上。（丙）游藝部。設部長一人。餘同上。（丁）體育部。設

部長一人。餘同上。以上各部。皆別有專章。如青年無入以上四部資格者。或不願入以上四

部者。即不能入會。又丙丁兩部會員。須兼入他部。方爲合格。否則須由監督特准。

神業 入會後。尤須謹守公教規矩。格外恭敬聖心。每主日。當領聖體一二次。愈多愈妙。又每月

當爲同會衆會員虔誦玫瑰經一串。倘遇會員亡故。各會員應爲特誦玫瑰經一串。

監督 卽由進行會監督兼任。職權同。

名譽員 本會當推舉進行會正副會長爲名譽會長。

選舉 本會設正會長一人。二年一任。大會時由全體會員公舉。以得票過到會人數之半者爲

當選。又副會長一人。評議員若干人。文牘員一人。會計員一人。幹事員二人。均以得票多數者

爲當選。一年一任。任滿再被選舉。皆得連任。

職務 甲)正會長主持全會事務。依議定規則辦理一切。乙)副會長與正會長協商會務。正

會長有事缺席。由副會長代理。丙)評議員與議特別事件。指陳會中利弊。并維持本會一切

緊要事件。丁)文牘員掌會員名冊。收發信件。并記錄開會時所議之事。戊)會計員經收會

費捐項。及一切賬目。惟須受進行會經濟部長之監督。每年應彙造收支細冊。報告同人。己)

幹事員竭力襄辦會務。以及招待調查等事。

集會 分爲四項。甲)大會 卽在進行會大會日舉行。預先由文牘員發傳單。查照屆期。會員

應一律到會。有事不到者。須先函告。乙)常會 每月一次。與進行會分日舉行。(凡本會

員得參預進行會常會及談話會。丙)評議會 至少每月一次。不拘時日。丁)臨時大會

會中如有特別事故。得由會長商明監督。召集職員。特開臨時大會。

特益 凡會員願習一種專門學問。或一種美術。或一種工藝。無力達到目的者。本會察其性之

專件 公教青年會章程

所近。且知學成後。非僅有益於個人。生計。實於聖教人材前途。爲益至大。必竭力贊助。務使會員達到目的。而後已。並不計其酬謝。至欲習普通學問者。則有公教進行會教育部管理。可就彼接洽。

除名 凡會員如違犯聖教規則。或冷淡。或違犯本會規則。不受監督及會長勸導。或二年不繳會費者。宣告除名。

宗教研究會簡章

一 本會以我華國勢日衰。人心日漓。由於真道德之凌夷。而真道德之凌夷。由於無真正宗教。故特創是會。邀集同志。互相研究。以期闡揚真正之宗教。而提倡真正之道德。庶幾振國勢於既衰。而挽人心於不墮。

二 本會會員不論紳商學界。凡屬同志。無不歡迎。

三 本會設有招待人員。凡欲入會者。儘可隨時到會接洽。

四 本會備有各種研究教理書籍。以供同志取閱。並備有數種要書。隨時贈送。其餘各書。亦一律廉價出售。以公同好而廣流傳。

五 本會不收會費。如有熱心同志。慨願捐助者。不論多寡。本會當按月報告。以昭核實。

六 會員於研究餘閒。可隨意談心。惟不得有賭博及其他違犯法律行爲。

七 每日自上午九時起。至下午八時止。爲研究時間。凡吾同志。儘可隨時戾止。本會無不竭誠招待。

八 本會所設上海南市董家渡天主堂對過。公教進行會會所內第二層樓上。

九 以上係暫定簡章。如有未盡事宜。以後隨時改良。

近事

羅瑪之部

○教皇聖躬康健。日日接見各國朝覲隊。樞機主教。各主教。

及司鐸朝覲者。無日或間。陽曆五月下旬。羅瑪男女領聖體之孩童一萬二千人。覲見教皇。先是分作二隊。男孩在左。女孩在右。全身穿白色長衣。及教皇出宮門。登露臺之寶座。垂目俯覽。降福衆人畢。一萬二千孩童。爭呼教皇萬歲。聲震雲霄。繼而公唱公教進行會歌。教皇忻然聽之。○教皇機關報將教皇手諭耶。蘇會總長之全文登錄。該諭上。先將耶。蘇會修士復興百年以來所行功績事業。竭力褒嘉。繼而爲紀念百年復興慶典。特頒賜天下教友。從本年陽曆八月初四日起。至初七日止。四日內。凡教友虔誠告解領聖體。按教皇意求主。至少一次。朝謁耶。蘇會士管轄之聖堂者。可得全赦一次。又四日內。朝謁耶。蘇會聖堂。誦經求主。每日可得七年七次四旬大赦。以上全限大赦。皆可讓與煉靈。○五月廿五日。教皇在內廷秘密會議殿。發表簡授新樞機十四位。新樞機芳名見上期本雜誌。羅瑪之部。惟本日教皇宣布第十四位新樞機之名。卽葡京總主教倍爾勞公也。Mgr Bello, archevêque de Lisbonne。未宣布簡授論文之前。教皇啟金口。宣玉音。當衆演

講一番畧云。朕自上次行簡授新樞機大禮以來。至今爲時未久而諸位元老大臣相繼凋謝。辭世升天。遺缺甚多。際此時世艱困。聖教須有大棟樑大柱石爲之支撐。本日朕特召集卿等翼教元老。在此內殿公議教會大事。冀卿等莫不勉力仔肩。分朕宵旰之憂。目下異道謬理如狂瀾之既倒。莫之能挽。將風俗人心宗教道德一門。驅而出之國門之外。於國民社會大受影響。幸蒙天主垂憐。際此教務艱難之際。各國公教人民。大慰朕心所望。去年十六世紀行宗教自由慶典時。教友之歸向聖會。儼若手擎十字聖架。宣布真實平安。真正自由主義於天下。然而講求平安者。固不乏人。而擾亂治安者。仍無底止。不觀乎目下社會之險象乎。爭鬪衝突。日形激烈。國與國家與家。此社會與彼社會。莫不存嫌隙戒懼之心。欲息此爭端。解此憤難者。各國尙不乏智謀兼全之大善士。挺身而出。揭和平旗於天下。然而志則善矣。其如對於道德倫理之精神。無純正宗教爲之基礎。如築室於沙土之上。其不爲風雨所飄搖者。幾希矣。聖教會係天主親自創立。抱道守義。有純愛德。有真實至理。惟此一會。卓然獨立於世。維持風俗。糾正人心。在此獨一正教中。人人得救靈升天。正教對於國家社會。不第不阻其文明進化。且其文明進化之所以維持者。賴正教而相得益彰。然而當今僞學謬道諸家。知聖教之有以阻其奸謀。露其惡計也。於是肆口雌黃。竭力訕毀。稱聖教爲人道進化之公敵。冤莫甚焉。朕與卿等咸明知吾主耶穌基利斯督之在世表率者也。吾主一生如何訓誨人民。到處施恩溥澤。而竟受辜恩負義之報。朕與卿等。遵此軌道以

行理也。宜也。然而惡人與獄魔。雖盡力攻訐教會。而天主之呵護垂佑。從未缺少。徵諸吾主之德表。及聖教之歷史。可以資證矣。百年之前。教皇庇護第七。復辟回京。羅馬臣民。莫不歡迎聖駕。天下各國。同申慶祝。蓋盛衰無定。惟全能天主。默爲掌運也。按世事常情而論。人皆歎聖教會大遭兇難之後。難以恢復舊規。然而聖蹟昭彰。出人意想之外。彼一時之桀傲英豪。必有衰謝破敗之日。而吾主淨配之聖會舟楫。雖經海浪顛蕩。萬不能遭覆溺之患。自古然也。天主常賜聖教會不失善牧牧民。朕特簡授十三位新樞機於聖教會內。而宣布樞機之名。其第十四位之名。教皇一人獨知。至今日當衆發表云。其簡授諭文。由教皇秘書長另備國書手敕。送至各主教處。以昭信實。想教皇親頒新樞機紅色鑿衣之日。亦將近矣。○五月二十七日。教皇行授新冠禮於新樞機。是日午前十下鐘。教皇進內廷公議大殿。隨侍大小官員。莫不謹敬將事。教皇之秘書長旁侍。入殿升座後。在羅馬之新樞機十一位。按序進殿。既近御座前。恭親教皇之手足。教皇按禮誦經。爲之穿紅色肩領。懸胸前十字架。及戴紅色方禮冠。禮畢。該培克總主教樞機倍仁公。代表衆樞機致謝教皇。畧謂教皇之慈善可風。惠愛衆生。不待余言。人人皆知者也。茲承聖座寵眷。特簡臣等以新樞機之榮銜。然爵愈高而職愈重。臣等矢志。以後於聖德功修。救靈神火。及扶持正道。忠事聖座等。不敢不效區區微忱。奮勉有加。當今教皇之竭力維持信德正道。擴充敬禮聖體。保存宗座權利。早已昭然卓著。天下皆知矣。凡此種種聖表。令人景仰則效。臣等莫不崇拜輪向。卽流血

捨生。亦所不辭者也。回憶歷代教皇。毅然善處危亂之世。竭力光榮聖教。不畏艱難。不辭勞瘁者。莫如額我。第七及庇護第七。此二大教皇。初惟含苦茹辛。不畏強禦。終則奏凱獲勝。大爲聖教之榮。蓋基利斯督先受苦而後入光榮。許聖教會終必得勝光榮。此臣等深信無疑者也。臣等謹願師法先聖先賢。勇於戰陣。竭力盡職。茲懇大教皇代吾主舉手降福。以期克保善志。永矢勿諉。云。教皇既行降福。卽宣諭云。自一千九百十一年。簡授新樞機以後。不數年之久。樞機中相繼凋謝者殊多。朕不得不悲悼感慨係之。二日前。簡授卿等十四人。充補遺缺。朕心稍覺歡慰。卿等學問淵博。神火炎熾。熱心愛主。其出衆超羣之處。早已爲朕所深知。特於輪向聖座之誠。更爲朕所洞鑒。於此。可見卿等一旦身任元老後。定卜善爲保存信德正道。濟弱扶傾。善於維持聖教規律。繩愆糾謬。殺於攻斥聖教仇人。特於聖教會內。狼子野心之隱敵。更加意從嚴誅懲。聖教會常爲仇人攻訐。稽諸歷史。自古已然。幸先聖先賢卓然毅然。有爲有守。晝夜防維。左右抗拒。於是聖會正道。倚之若長城不倒。至理名言。風俗人心。至今兀然挺立。不爲僞解異說所傾仆。真如日月經天。炳章千古。凡此皆先聖先賢之功績昭然者也。目下聖教會之四面受攻。更形急迫萬狀。爲此卿等更宜竭力盡忠。以善存信道託付之重爲心。無使稍受妨碍。噫。今日之世界。不第以逢迎僞道學說爲事。竟敢剝削信德。使之漸入泯滅。腦筋旣已腐敗。立說自必離奇。一致以鼓吹新說僞理爲好尙。天演進步等種種無稽之語。時以惑人聽聞。所謂反背良心之事。茫然無知。竟妄稱政

治上俗務上別具一種似是而非之良心問題。與聖教會所稱之對於天主之良心問題。大相徑庭。將此說鼓吹。駭人聽聞。以期改革人心政治。又有人以宗教信德道理。故作再三推考。視為疑信參半之論。不足憑信。且將歷來申禁之謬論異說。隨處宣講。在此妄作妄為之中。竟自信尚為聖教會中之人。因此等人無人覺察窺破。尚敢竊領聖事耳。嗟乎。目見無數水手。無數管駕。無數艦長。因為此種新說所迷。不第不得安然渡海。以達彼岸。竟大半覆溺於偽道白浪之中。傷心慘目。有如此哉。際此風雲危急之秋。朕宵旰勤憂。無微不至。因大聲疾呼。宣布天下。指明謬理。偽道之所在。令人知所趨避。我公教人如非假作癡聾者。莫不共聞共知矣。惜尚有人左袒仇敵。竟散布莠稗偽種於主人田中。將朕宣布之論文。視為一紙虛文。或妄行臆解評論。或隨意詆毀。將原論之明文意解。一筆沒煞。斥為不通之學說等等。為此朕特簡授卿等新樞機之職銜。期卿等竭其股肱之力。輔翼聖座。匡救時艱。卿等回國就職以後。須將朕意布告信民。卿等以身作則。維持正道。保衛真理。訓迪愚蒙。仰合宗座指引。對於神品班修道會等。格外注意。須使神品班修道會中。於聖教道理之詮訓譯解。莫不統一。蓋魔鬼以誘人不睦為起點。漸伸張其惡燄毒氛。此乃吾主之所深戒。亦為代表吾主之所痛惡者也。茲為意見消融道理統一辦法。朕願卿等多方慎防屬下之司鐸修士輩。嚴禁彼等與偽道謬學家通問交遊。不第於顯然仇教之書籍報章。盡行禁閱。又於似是而非惑人聽聞之印刷物件。一并懸示厲禁。蓋近朱者赤。近墨者黑。多閱邪說而不

受其毒害者。朕不信也。卿等若遇見一種人民。自稱爲信教良民。忠服聖座。切願永爲公教之信徒。然一旦經人指爲有神爵班之習尙。則面爲之赤。局脊不安者。然卿等凡遇此等懦夫。須諄諄曉諭。聲明一切。謂之曰。真正忠於聖座者。惟知聽從教皇爲首要。萬不能強辯置喙。多方爲難。朕對於一切社會團體之創設。卽純有世俗權利性質者。朕亦一律贊成。惟此等社會對於倫理宗教毫無妨碍。朕始准其試辦也。總之團體社會之宗旨。以改良工人及農夫之度生爲主義。然須愛護公義。用正當手續。求地方治安。始稱合式。至於一切聯合。非公教人之團體。社會若毫無侵碍宗教及道德。朕亦准之。惟此等團體。須却除一切情面。仍不失公教人之職守。雖幾經挫折。萬不可因此敗興。蓋公教人自有公教旗幟。揭出飄颺於前也。由是觀之。卿等當盡之職守。當行之救靈榮主事業。昭然明矣。然不拘何種事業。若無天主默佑加恩。則不能生有佳菓。爲此朕仰懇天主。降福卿等。使卿等於統治教民。護衛聖道。萬國萬方。合爲一心一德。猶如聖子之與聖父。同性同體。合而爲一也。朕爲卿等預祝此等幸福。茲特欣然降卿等以遐福。教皇卽降福新樞機。畢退入內廷。面帶微笑。繼而卽在內廷接見新樞機。又秘書長處新樞機。亦一律往謁。○二十八日。又在公議殿內。教皇授新樞機以高冕禮。是日。除十一位新樞機之外。各國樞機主教。總主教。及主教等。到者甚衆。駐羅馬各國之大使。亦到殿與禮。教皇之二妹及一姪女。在特別優座內觀禮。先是新樞機在聖保利納小堂內發誓。教皇乘顯轎出宮。侍以諸大臣。入列真福品大殿。升御座。

後雅哥基司鐸跪奏可敬若瑟加法索之案件。Venerabile Joseph Calasso priore Turinois 教皇在御座上靜聽畢。部中人舉代表來賀新樞機被簡之喜。教皇即按禮誦經。授高冕於各新樞機。時音樂唱經隊唱：汝為伯多祿之章。授高冕禮畢。教皇退入內廷。新樞機同進西克司丁小堂。恭詣祭臺前。按序俯伏在地。樞機瓦孛德利為之祝福誦經。公唱列品禱文畢。新樞機起立。眾唱謝天主經。我儕讚頌天主。禮畢。入內廷秘密議事殿。教皇與新樞機行開口閉口禮。并加各新樞機領袖某聖堂之銜名。○六月初二日。教皇已滿聖壽七十有九之週年紀念。宮內大小官員同行祝賀。

本國之部

○直隸 天津公教進行會。近設有介紹所。以代失業教友圖謀生路。而堅其守死善道之心。誠善舉也。其章程。凡有人欲入所者。須有進行會會員一人以上之介紹。如志在月薪十元以內者。納註冊費一角。二十元以內者。二角。事成以後。須每月補助公教進行會會費。以盡義務。惟關於經理銀錢事務。必須另覓妥保。介紹所不負責任。其最要宗旨。凡入介紹所者。以守聖教會規矩之教友為合格。一經荐往各界。必須遵守四條聖規。且須時時存傳教之心。該所現設於望海樓公教進行會中。而隸於該會之交際股。如往報名。以每日早彌撒後。至九下鐘為度。逾時概不招待云。○廣益錄云。天津公教進行會雷監督。提議現在各省公教進行會。已完全成立。勢非聯絡一致。不能收統一進行之效。國教問題之劇烈。數月間完全打消者。團體之

力也。此後擴充聖教。扶助社會之重要問題。非羣策羣力。共謀進行不可。職員部全體贊成。即函請上海爲全國大會地點。後接函復。推讓天津。昨已奉函各省進行會。徵求意見。想各省無不贊成。復函到日。即訂於秋季開會。二十餘省之代表。齊集津門。必有一番大振作也。○廣益錄云。甯河縣天主堂。自成立至今。甫屆八年。教友已達千餘人。已設聖堂兩處。一在蘆臺。一在北塘。教務甚形發達。本年林主教蒞甯。領堅振者有六百餘名。頗有廣揚之望云。○山東 濟南申主教到任以後。民教輯睦。輿論翕然。近日袁大總統以主教於前次山東兵變時。能保護中國官員。特賞給三等嘉禾章。以酬勞勩。○吉林 伊通州丁子靖司鐸。關心教務。提倡學堂。不遺餘力。教外士紳咸都稱讚。上月赴長春。避靜禮畢。中西司鐸數十員。面奉主教鈞諭。令各司鐸趕辦公教進行會。指定長春爲吉林支部地點。各司鐸處。命名支會。勿再遲延。恐貽笑柄。丁司鐸回堂。遂即邀集會長教友。演說進行會之利益。諄諄勸勉。無如伊通教友。人材寥落。籌畫爲艱。能否組織成立。暫難預料耳。○陝西 陰曆三月二十三日。白匪由麟遊突入岐境。抵魯家莊鎮。肆行劫掠。適是日此處有牲口大會。所有騾馬。均被掠去。午後約兩點鐘。至北莊南莊橋。此時關司鐸在畫圖寺堂。距南莊橋三里。正歇息間。忽聞門外人聲鼎沸。即出問有何事。衆答曰。賊至矣。神父何不速避。司鐸卽子身步行十餘里。至西河堂。晚十一點鐘。同教友逃入山中。忽有二匪突至山頂發鎗。隆隆不絕。不得已。乃同教友潛伏一窟穴中。以避其鋒。天明。賊匪西竄。乃偕教友下山。棲於某教友家。

喘息稍定。先是神父在畫圖寺堂未逃時。諭一張姓老婦在堂照料物件。既而匪至。闖入堂內。遍索司鐸不得。問老婦云。神父銀兩何在。該婦云。我係窮婦。給人看門。銀兩何在我。實不知。神父卽有銀。豈肯告我。語未已。一匪向婦施放一鎗。幸子彈由身旁飛過。未中。後至神父室中。將祭品衣箱被衾等席捲一空。又至堂內。將祭臺聖像等擊毀。遂向縣城而去。按此次岐山教友之被災者。惟南莊橋及畫圖寺兩處爲最烈。資財盡失。家室蕩然。哀苦之狀。實爲可憐。所可慘者。將許多幼婦擄去。百般凌辱。令人有不忍言者。有符姓貞女。加辣。因不隨彼輩惡意。毆受重傷。幾至殞命。現臥床不能動移。計教友被鎗擊斃者二人。卽張緒與范天恩也。教友家被難者二十一家。其他俱皆平安。未受災害。又某司鐸亦未遭害。預先脫難。皆天格外恩佑也。○甘肅 白狼之禍。愈延愈熾。至陝甘而極矣。自東徂西。長驅大進。克城陷鎮。勢如破竹。焚掠姦殺。慘酷異常。到陝首克商州。卽誘騎兵團長牛策勳入城。全軍盡沒。繼破雒南。商南山陽鎮。安孝義由大峪口出山。陽曆四月四日午後。破鄆縣。民人死者約有二千。五日早晨。由西安遣派連長王英。帶隊與匪戰於鄆縣之東門外。兵士死傷殆盡。六日進攻盤屋城。破。死傷在七千左右。七日渡渭河入武功。陷乾州。欲撲醴泉。走涇三原。適爲旅長陳伯生堵截。未果。乃折向西北。連破永壽淳化三水邠州長武。旋又南行。下麟遊。出岐山。遶鳳翔城而過。由汧隴入甘肅界。向西直搗。如入無人之境。越撲越猛。愈前愈兇。聞破麟遊時。不分老幼。殲殺無遺。絕戶者以數千計。統計破陝西十七州縣。而巨鎮大郵不

近事 … 本國之部

勝枚舉。死傷總在十萬以外。匪數不知的確。惟見彌山漫野而來。過時所佔之地。寬約五六里。長則八十餘里。真是如蝗如蝻。如蜂如蟻。將民間騾馬。盡行拉去。馱運銀物。匪隊無旗幟。無號衣。有轎數頂。內有一頂。坐一洋婦。有小孩數人。頭纏紅巾。又有竹床三十餘具。下藏製造子藥機器。上臥匠人。以八人抬之。在陝西時。共殺教友七人。傷數十人。更將十餘處聖堂門窗玻璃。以及堂中物件。擊毀無存。幸未縱火焚燒。惟盩厔縣堂中。受害最烈。不獨被搶一空。呂司鐸亦險遭毒手。誠不幸中之幸也。關盧高三位司鐸之物。均被掠去。四月廿日。白匪由隴州至關山。崔正午率兵往禦。因衆寡不敵。兩戰皆北。死於陣者三分之二。餘兵悉數潰散。於是狼匪長驅入甘肅境。首搶張家川。遂停留數日。殺軍某隊亦在此駐紮。與狼匪同處一鎮。不相猜忌。真令人莫名其妙。鎮守使馬國仁率回兵馬隊。前往遠門鎮杜防。因見賊勢浩大。不敢交鋒。乃撤兵回秦州。期以固守。而白匪則由水洛城馬營竄至安定。復又折到鞏昌。大肆搶掠。五月三日。探得伏羌失守。民人死傷纍纍。秦州大爲驚慌。四日。偵探報告匪隊已至館子鎮。馬國仁乃親率所有兵隊。迎戰於城西十里鋪。匪以地利人衆。三面夾攻。官軍勢本孤單。馬國仁受彈中頰。當時陣亡。官兵支持不住。分頭逃散。匪亦不甚窮追。是役也。匪死四五十人。官兵死者祇數人而已。未幾。匪臨城下。守城兵祇得抵禦。以區區小隊。與大股匪敵。何異犬羊與虎狼相鬪。遂於夜間十一點鐘。匪隊擁入西關。縱火燒新街。伏羲城。時城門尙扁。賊攻之甚急。槍聲隆隆。聞之震怖。天未黎明。又攻中城。旋破東關。有天

主堂在焉。彌撒甫完。匪徒數人已闖入堂院。先搜尋馬匹。如是者七八次。繼而又闖進數十人。將神父所乘之騾馬。全數搶去。復逼索槍械。神父等皆婉言回答。堂中並無槍械。賊乃舉槍向藍代牧（即今調陞中蒙古副主教者）欲擊。時趙運城先生在旁。善言哀懇。得脫於難。司鐸等所佩時計。皆被褫奪。床褥箱櫃。傾翻數次。搶去獵槍手槍數枝。共計堂中損失約值銀二千兩。惟幸司鐸等未受害。實聖母特別保護之鴻恩也。秦州損失不下二百萬。最可慘者。婦女被辱也。雖十二三之幼女。亦難幸免。秦州為甘肅最富麗之區。經此蹂躪之後。今成第一可憐之城矣。共計良民死者約一千人。擄去者八百餘人。至今全城閉戶。街市蕭條。想見昔日之繁華。不禁淒然淚下。越二日。白匪已竄入徽縣。該縣為漢南入甘必由之門戶。貨物屯集。頗稱繁盛。被搶之後。已成墟。堂中什物。席捲一空。幸而本堂司鐸先將女書房大小女生嬰孩遷避王家灣。故得安全。次日由徽縣進攻成縣。無人敢攔其鋒。攫取錢財。為數亦鉅。成縣堂中什物。亦席捲一空。祭衣聖爵等物。無一存者。徽成二縣死傷二百餘人。惟教友蒙天主聖母格外保護。無一受傷。故藍主教特於聖母進教之佑。瞻禮舉行大禮彌撒。感謝天主聖母之鴻恩。聞白狼欲竄四川。行至階州。被川兵堵截。未能前進云。○湖北老河口鎮。自經白匪蹂躪後。居民時有戒心。風聲鶴唳。草木皆兵。而商界大貲本家為尤甚。以故市面蕭條。生計艱窘。現駐有防軍約八百人。日夜巡守極嚴。聞耶穌教被戕之費。醫士政府已撫恤銀二萬兩。受傷之沙牧師。則撫銀二千兩。雙方應允。事已了結。至去年

棗陽城天主堂爲白匪搶害一事。及此次老河口北堂遭亂。亦由政府賠銀了案。計棗陽三千兩。老河口八百九十兩云。又本報第六期所載龍家集被盜一事。刻得確函。知該地實名冷家集。乃穀城縣屬。爲房保二縣及穀西至老河口之要道。於陰曆三月杪。遭本地及均(均縣)匪焚掠。燬去民房四十所左右云。○四川 唐宋兩司鐸在彭水縣所屬黃草地方遭匪搶劫一事。會誌第五期本報。茲悉該縣知事對於此案。極爲慎重。聞報後。卽星夜派兵前往緝捕。詎匪等早已遠颺。逃往貴州境內。知事以限於疆界。未便逕往捕拏。然料其必去而復來。乃懸賞以勵兵士。令作準備。閱二十餘日。匪首李玉堂果然率領黨羽。回到該縣白溪行劫。知事卽派警備隊往捕。匪等逃至張家壩。警備尾追不舍。互相激戰。李玉堂爲彈所中。登時落馬。匪等不能兼顧。乃投李於大石下而逃。警備隊見之。當將李匪首級割下。以免後患。並拏獲悍黨楊學琦一名。及餘匪十餘名。楊卽正法。餘則暫行監禁云。(錄崇實報)○浙江 嚴州府屬向無公教進行會。自民國元年冬。該處本堂總司鐸謝公安。東竭力提倡後。又蒙浙西主教田大司牧贊許。派謝公爲該處分部監督。卽由嚴州所屬建德。淳安。遂安。壽昌。桐廬。分水等六縣。熱心教友。籌備進行方法。聯絡各縣城鄉教友。每主日罷全工。研究道理。勸導外教。並先在嚴州城內創辦若瑟學校。及萃英女校。各一所。專收幼孩。其經費均係謝公擔任經營。一載始得就緒。至本年二月。乘各縣聖堂中司事避靜之後。分別函知各處會員。訂定二月六日。在嚴州天主堂若瑟學校禮堂內。開成立大會。建淳遂

壽桐分六縣。各舉代表赴會。屆時。首由監督報告開會宗旨。次由神父宣布分部章程。復經監督按名發票。依法選舉。選出正副會長及各職員。均經監督認可。繼由監督演說。畧云。此會為廣揚聖教增進純全道德而設。以熱心敬愛聯絡勸導為要旨。請各會友和衷共濟。勉盡義務。引愛主救靈為己任。其餘各種善舉。亦宜次第進行。是則本監督所日夕企望也。云云。復由正副會長及來賓各職員陸續演說畢。乃誦經散會。（按來函尚有章程一冊。因限於篇幅未能登載。）○安徽五河之有吾教。迄今已二百餘年。歷來民教相安。自蘇怡坡謝懷義兩司鐸到該處後。地方益形輯睦。教務亦稱發達。民國成立。該處教友之被舉為鄉董或議員者。計有四五人。本年自治取消後。城鄉遍設清鄉局。教友之充正副局長及地方要職者。亦四五人。當自治取消時。地方士紳未免各存意見。經蘇謝二公從中排解。得以相安無事。黃團長廣源駐五時。曾贈謝公對聯一副。云。如空門佛祖。若海外神仙。贈蘇公聯云。普渡慈航同大士。如飛賽馬蓋英皇。又縣知事殷君季喬亦贈二公匾額各一方。贈謝公額云。振聾啟聵。贈蘇公額云。樂善好施。是亦吾聖教之光榮也。○五月三十一日。為聖神降臨瞻禮前一日。休寧新堂特請江南倪副主教行祝聖禮。此堂落成已久。建築極華美。外有石級及石獅四隻。堂內純以油漆髹之。三十一日開堂。城內各官紳如前任及現任縣知事等等。均來堂與彌撒禮。是日。教友領聖體者。有二百餘人。彌撒將畢。由招待員請來賓到客廳中。欸以茶點。十下鐘。副主教及司鐸三位來賓約廿人。共同用膳。歷三時之久。

一 千 九 百 十 四 年 陽 曆 八 月

始盡歡而散。○池陽素稱名勝之區。人文蔚起。惜宗教風氣。尙未開通。城內天主堂。爲前總鐸。公味德所創建。邇時教務雖已大行。究未推廣。迨光復後。城內信友。竟各冷淡。幾致背主。所幸錢總鐸於去歲蒞池。接篆後。多方勸導。羣被感化。無不痛悔。熱心事主。按錢總鐸世勳號藩士。意國之文士也。不惟精通中西法律。更能深悉地方輿情。啟昧振憤。循循善誘。勉勵功修。且兼天性慈善。熱心造就人才。見教友中有聰穎子弟。欲求學而苦乏學費者。莫不慨然解囊相助。羣情感激不已。因此文士慕道來歸者。日益增廣。而各信友受其德澤。恒思報答。六月廿一日。恭逢聖類思學生主保瞻禮。亦爲錢總鐸本名瞻禮日。各信友願自輸資。竭誠慶祝。爰由代表李君鴻恩。先期謹備花爆煙火酒宴等儀物。聊伸敬意。聖堂內懸燈結彩。輝煌奪目。門前甬道。高搭彩棚。重門洞開。各門紮掛松柏花球。五色國旗。臨風飄蕩。是日也。天晴氣爽。和風宜人。城鄉信友。到有一千二百餘人。按循次序。敬肅無聲。男女告解恭領聖體者。亦有五六百人。彌撒後。神父復舉行聖體降福典禮。同時米楊二司鐸與沈鳳岡相公唱經奏琴。聲音悠揚。旋米司鐸偕沈君率各信友往花園。祝聖新築石亭之露德聖母像。經聲朗朗。燃放邊炮。聲徹雲霄。禮既畢。各信友齊集學堂。恭請總鐸暨米楊二司鐸同至禮堂受賀。始由學生奏琴唱歌。繼章君福先恭讀頌詞。總鐸亦回答謝詞。向大衆降福後。轉至女學受賀。送迎均燃邊炮。異常熱鬧。是日清晨。段知事唐管帶與地方士紳紛紛贈送對聯花爆儀物。躬親來堂賀喜者。亦絡繹不絕。若非總鐸端重敦篤。治事精嚴。教外

人何能如此。午後二刻。駐池巡防營管帶唐君。有元貴池縣知事段君雲錦。亦各命駕按臨。總鐸一一握手。延入客廳。欸以西式茶點。繼開豐盛筵席。餽饌羅列。盡歡稱觴。宴罷。更進茄菲。畧坐片刻。由招待章君福先導。請段知事唐管帶及各士紳。偕錢總鐸米楊二司鐸沈君鳳岡各信友學生。至聖堂前之空院。環坐攝影。畢復導至花園內。遊觀新築石亭之露德聖母像。當由米司鐸詳述法國露德聖母發顯種種靈跡之歷史。舉皆驚訝。旋復攝影以作紀念。入夜。大放花筒煙火。及全紅邊爆數萬。男女教友幼童學生。以及教外紅男綠女。連袂而來。人山人海。院爲之滿。幾無立足地。其踴躍熱鬧之况。誠不勝記也。然自晝至夜。賴有巡防營派撥兵士四名。妥爲保護。而觀者皆雅靜無譁。鮮有擁擠爭嚷之怪狀。推此以觀。益可見池人文明友愛之風。有勝於疇昔千萬倍也。將來教務之發達。可預卜矣。○婺源縣馮知事到任以來。頗能調和民教。近又出一佈告云。迎神演戲賽會燒香。均屬無益之事。且均與天主教規相反。查條約內載。迎神演戲賽會燒香等事。不准與教民無涉。永遠不得勒派。地方人民。自當一律遵守。嗣後如有迎神演戲賽會燒香等事。不准向教民派費。如違。定行查究不貸云云。○江蘇長江自宜昌以上。向稱險阻。自前年蜀通輪船駛行後。客商便之。今歲復由外洋購到蜀亨輪船一艘。視蜀通尤爲美備。本埠求新廠主朱志堯君。於淺水快輪。素有研究。不忍利源外溢。遂以賤價爲川路公司承造大川輪船。刻已告竣。試驗異常靈捷。此爲我中國自造行駛川江之第一號。並聞該廠尙爲川路公司造利川輪船。四川瑞

近事 ... 本國之部

豐公司造慶餘輪船均已下水。不日即將上駛云。○上海一埠學校林立。而聖教會所設之大小學校。邇來尤爲發達。學生之來學者。亦日見其多。洵可喜之現象也。刻下天氣漸熱。例須舉行暑假。六月廿八日。虹口聖方濟各學堂放假。並獎賞中國學生二十九日下午。獎賞外國學生。蓋該校向分中外兩班也。三十日。盧家灣震旦學院放假。並舉行畢業禮。來賓有政治會議議長李君。經義前江蘇都督程君德全。上海縣知事洪伯言君。及交通部上海工業學校預科科長徐君守五。代表該校監督唐君蔚芝等。首由總理司鐸演說。對於畢業諸生。諄諄勉勵。旣而洪伯言君繼之。最後徐君演說。畢業後應有之事。衆皆鼓掌。計畢業十一人。理科高等五名。李銘忠最優。李維鈞。吳福寶。優。陸樹枋。顧佐。次優。文科高等六名。沈祖德。徐履成。梁秉鈞。優。朱保倫。王綱奎。張紹溶。次優。皆領受文憑而退。是日。又爲中法學堂學生畢業。該校由法公董局設立。而委任公教中主母會修士管理。成績甚優。觀者皆贊美不置。七月初二日下午。本滙聖母院所設之啟明女學。舉行畢業給獎禮。來賓有唐君蔚芝。及徐君等數人。計畢業四人。姚冠羣。本科最優等。王臨鎂。楊保康。國文專科最優等。吳應鳳。優等。并由諸生演陳洋琴舞蹈及英法文唱歌等成績。說者謂上海各女校所未有也。初九日。徐滙公學放假。並舉行第一次畢業。計高等小學畢業者四十四人。葛慎康。施裕廉。龔文才。蔡國綱。吳天生。沈安芳。伍守恭。章銓林。陳宰平。徐元案。許勝芳。王昌祐。劉錦標。高真常。金濤。陳雄芳。鄭何沈。德華。陸品元。馬友良。潘元蔣。恩林。蔡爾康。陸文明。袁文俊。張

倍△大△姜△斌△徐△忠△全△金△建△勛△陳△卓△芳△王△海△東△顧△孚△吉△朱△泰△嶽△胡△體△義△焦△有△生△宋△祖△賢△顧△同△伯△趙△慰△先△
 陳△道△先△王△惟△典△時△純△熙△湯△承△緒△周△貴△宏△沈△懷△祖△中△學△畢△業△者△七△人△謝△壽△昌△李△式△玉△周△維△善△徐△端△平△
 徐△長△和△胡△文△秉△金△世△榮△除△發△給△文△憑△外△由△顧△院△長△演△說△中△學△四△年△來△之△歷△史△及△畢△業△學△生△之△成△績△
 逐△一△嘉△獎△數△語△其△餘△未△畢△業△之△學△生△則△第△其△成△績△而△獎△賞△之△該△校△自△開△辦△至△今△成△績△卓△著△本△年△由△
 法△國△翰△林△院△獎△以△佛△郎△四△千△元△洵△極△榮△譽△之△事△也△初△十△日△聖△母△院△中△崇△德△女△校△暑△假△預△科△畢△業△者△
 七△人△蔣△素△寶△張△佩△明△陸△愛△寶△夏△幼△蓮△朱△翠△寶△陳△惻△英△沈△智△修△皆△發△給△證△書△云○本△埠△洋△涇△浜△天△主△
 堂△於△七△月△四△日△特△為△已△故△奧△國△皇△太△子△行△追△思△大△禮△彌△撒△由△鮑△大△司△鐸△主△祭△到△者△有△上△海△各△國△領△
 事△鄭△鎮△守△使△上△海△縣△洪△知△事△及△各△著△名△紳△商△等△皆△衣△大△禮△服△以△表△誠△意△按△西△報△云△奧△皇△太△子△費△迪△
 南△近△僭△妃△游△歷△數△年△前△兼△併△之△巴△斯△你△亞△及△赫△齊△戈△維△拉△二△州△(皆△塞△維△亞△故△地)△六△月△廿△八△日△抵△
 薩△拉△架△伏△乘△車△赴△市△政△廳△途△中△有△人△以△炸△彈△擲△入△車△內△為△太△子△以△臂△推△開△落△地△而△炸△傷△第△二△車△之△
 侍△從△七△人△太△子△仍△鎮△靜△而△至△市△政△廳△及△歸△乃△有△一△七△歲△之△學△生△名△泊△林△齊△浦△者△以△勃△浪△林△手△鎗△
 擊△之△第△一△彈△中△太△子△之△首△第△二△彈△中△太△子△妃△之△腹△二△人△均△死△途△中△先△是△塞△維△亞△政△府△曾△預△告△太△子△
 勿△向△此△間△游△歷△因△探△悉△巴△斯△你△亞△之△塞△國△僑△民△有△極△大△之△陰△謀△而△學△界△中△人△尤△為△志△堅△之△故△太△子△
 不△聽△卒△遇△此△禍△現△兩△次△狙△擊△之△兇△手△均△已△拘△獲△皆△巴△斯△你△亞△人△信△奉△希△臘△教△者△第△一△次△擲△炸△彈△者△
 名△白△里△洛△維△克△乃△一△排△字△匠△塞△京△無△政△府△黨△員△供△認△其△炸△彈△手△鎗△乃△得△之△於△前△在△奧△國△陸△軍△中△塞△

近事 ... 本國之部

三百七十一

一 千 九 百 十 四 年 陽 曆 八 月

國陸軍某少佐處原圖於巴斯你亞大操時行事。因防衛嚴密而罷。泊林齊浦則供稱因國仇之故。久蓄戕害奧國貴顯之志。並不認有同黨。據官中消息。此次同謀者共有十人。分駐各處。皇太子所過。一路樹枝之間。亦藏有炸彈。宴會之案下。曾發見炸彈二枚。太子妃寢室中。亦發見一枚。且又拘獲一婦。搜出炸彈七枚。太子所中之鎗彈。乃以炸藥製成者。彼等曾言太子決難生離。巴斯你亞可見其設謀已久矣。太子被禍後。兇耗至奧。奧皇大痛。維也納亦大為震動。德皇則停止本星期內應行之事。以表哀悼。按奧皇即位於一千八百四十八年。與日耳曼聯邦罷國公主結婚。生一子在巴丁離宮猝然死去。至一千八百九十八年。奧后游於瑞士。為無政府黨刺死。一千九百零三年。奧皇又遇狂人暗殺未成。此次慘死之皇子。乃奧皇之弟加爾大公長子。熱心敬主。一千九百十二年九月十二日。維也納開設萬國聖體大會時。太子曾親與迎聖體禮。（見本報第一年十二期）其妃亦熱心異常。現太子及妃之遺骸已運至奧京。擇期安葬。袁總統派駐奧公使沈瑞麟為參與葬禮之專員。北京天主堂亦為太子行追思禮。在京各國公使及武隨員。使署衛隊軍官袁大總統黎副總統徐世昌之代表。及侍從武官長蔭昌各部總次長。外交部參事五員。均到堂與禮云。○上海公教進行會。自成立以後。即籌款建築會所。至本年六月落成。計西式三層樓房三幢。二層者兩幢。氣象巍峨。裝飾華美。與董家渡天主堂僅隔一街道。見者皆稱美不置。六月廿八日。舉行落成典禮。並第二年選舉職員大會。午後三點二刻。會友暨來賓到者有

三百餘人。內有司鐸四五十位。及英國律師徐思義君等數人。特地命駕前來。會場設於第三層樓上。三下三刻。搖鈴開會。入座後。首由朱君雲望喬梓二人。合奏洋琴。繼以進行小學全體學生唱進行會歌。中間潘監督宣布開會宗旨。司鐸代表本堂司鐸。操法語演說。洋洋數千言。大致皆訓勉會員竭力進行之意。次張伯祿司鐸演說。分爲樂觀悲觀兩層。聞者大鼓掌。次曹西滿司鐸演說。先爲聖教賀。畧謂聖教得進行會團體愈堅。廣揚愈速。次爲教士賀。謂進行會可助教士所不及。復次。則爲民國賀。謂公教爲道德之產母。道德爲公教之子息。公教進行。卽道德進行。又次。則以救靈獲報爲公教進行會會員賀。而歸結於有恒心及依恃天主。曹司鐸演說畢。黃方濟各司鐸繼之。畧謂天主教爲天下萬國之教。非一省一國之教。故人人皆當有進教之義務。况我中國各教並行。尤賴天主教以砥柱中流。卽如去年孔教風潮。使非進行會力起抗議。不將大受影響乎。故我望今年公教進行。明年大行。後年全行云云。斯時乃有一極大快事。蓋董渡艾司鐸手持長且大黃白二色之教皇旗。登壇祝會長陸君伯鴻曰。鄙人受法國青年會監督梁公委任。謹將此旗恭送於陸君伯鴻。以表梁公對於陸君所辦慈善事業之歡忱。衆人乃起立呼教皇萬歲。法國青年會萬歲。陸君謙謝受之。按此旗乃去年法國青年會朝覲教皇時所用者。教皇見之甚喜。親旗降福。歸後遂照式另製一面以贈陸君。嗣有六齡學生潘仁壽唱歡迎來賓歌。聲調與態度大爲來賓讚賞。於是書記部長登壇報告一年來會務大概。並述建造會所之始

近事... 本國之部

未。畧云。本會於去年六月間。商准姚大司牧。租定基地。每年租金四百五十元。租期與本會相終始。萬一本會中止。此屋即歸主教收管。附設學堂。聘請教員。先儘公教中人。十一月。始將舊屋拆去。至本月初落成。請邊大司鐸行祝聖禮。主教行開幕禮云云。報告畢。慈善宣講兩部。亦將所辦之事。詳細宣布。既而教育部長。又報告學務及青年會事。畧謂本部開辦以後。見教中後生之肄業於外教學堂者日多。於道理神業二端。不無荒棄。爰擬簡章。照北京教育部所定。加以教理經言二科。以冀神形兼顧。當時以校舍無着。承沈志賢君慨借住宅。不取租金。又慎選師範生之品學兼優者為教員。乃於本年正月間開校。計收學生五十六名。內有從未入學者八。外教學堂轉來者三十八。聖教學堂轉來者十。其中教內生四十一。保守生三。外教生十二。除照章教授外。不分教內教外。高等班每星期入堂聽道二次。初等生每星期聽道二次。每日晨起。教內生須望彌撒。晚上誦玫瑰經夜課。每星期至少一二次。領聖體。主日下午聽道理。拜苦路。望降福。綜計半年以內。學生之初告領者七。領堅振者八。進祈禱會者十。由保守而領洗者二。自願保守者一。至於國文地理等等成績。在樓下應接室內。請諸公參觀可也。至本會之附設公教青年會。因本會定章。教友須滿二十歲。始可入會。附設之學堂。砥收小學生。而於一般年在十六歲以上。未滿二十一歲之青年。或在震旦學院。或在方濟各學堂。或在法文書館。或在家塾肄業者。每星期放假。一如鳥出樊籠。飛行天空。常有誤用自由之處。故由潘監督發起公教青年會。分爲

講學、音樂、體育、游藝四部。俾於課餘之暇。共同研究。現已有會員四十人云云。至是。學生乃演嘔鈴體操。和以琴聲。一堂耳目。爲之大快。最後復由朱君雲望、喬梓三人合奏洋琴。來賓離座後。由青年會友招待。在二層樓茶譙。會友仍在會場投票。副會長仍爲朱君志堯。書記部長莊君允升。朱君鳴岡。經濟部長沈君志賢。朱君魯異。幹事部長張君士希。朱君季琳。宣講與慈善兩部長均爲陸君伯鴻。陳君成章。教育部長莊君允升。陳君吉人。又添舉評議員六。陳君吉人。何君理中。陸君秋坪。姚君伯喬。蔣君月孫。沈君清標。選舉畢。恭作聖號。搖鈴閉會。會友乃與青年會友。進行小學生茶譙。時已六下二刻矣。○六月三十日下午五時。上海公教進行會。邀請在滬紳商學界。開宗教研究會。先是進行會未成立前。此會已有動機。因無相當會所。遂爾中止。及進行會房屋落成後。乃特發傳單。定期開會。到者有上海洪知事。前上海審判廳長黃君涵。之前江蘇教育司長黃君鞠之。以及本埠紳士。郁君屏翰。姚君子讓。孫君需人。莫君子經。張君逸。槎吳君恪。生朱君少沂。聶君雲。臺凌君伯華。郭君聘之。沈君梅伯等十餘人。是日爲耶穌聖月末日。堂內舉行聖體降福。遂由會長導來賓到堂瞻禮。六下二刻出堂開會。先由陸君伯鴻宣布開會宗旨。畧謂宗教者。可以濟法律之窮。補教育之不及。正人心。維風俗。養道德。整紀綱。胥惟宗教是賴。天下萬國似真非真之教甚多。然信仰最衆。流行最久者。要惟羅馬公教。公教者。係耶穌創立。其宗旨在愛主愛人。不求暫福而求永福。不貴暫生而貴永生。蓋天地間必有一造物真主。而此造物真主。有生有死。

近事 ... 本國之部

貧窮之權。善人受貧。得升天堂。惡人受罰。乃入地獄。此理似乎平淡。而實奇妙。似乎淺易。而實艱深。非細細研究。難以得其真相。云云。陸君演說畢。洪知事繼之。畧云。中國風俗之壞。人心之蕩。如已破之舟。既倒之狂瀾。既難收拾。尤難挽回。推其故。由於道德之喪。耳。雖國家改良法律。然法律足以治外。不足以治內。譬如頒行報律。能防人之口。究不能防人之心。能匡正人心。而至於真道德者。厥惟真宗教。今諸公熱心提倡。設立宗教研究會。得此基礎。公教之行。指日可待。而我中國之人心風俗。本將由真宗教以發生真道德。敢爲在會諸公祝曰。宗教研究會萬歲。時已七下鐘。遂入席用晚膳。陪座者有潘監督及本會職員等。共七十七人。席間潘公起立。首頌黃君演說之演說。考察宗教近况。及改良宗教教育方法。畧謂余極願研究宗教。此次赴各省考察教育。愈惹起我研究宗教之熱心。頃潘神父言人類皆有宗教性。吾觀山深地僻。其居民終身不與人世往來。其思想所固有者。惟敬神畏鬼之一念。倘亦宗教性所發見乎。余此行。承徐滙頓院長惠書介紹。俾得與各地神父談話。於南昌晤孟神父。暢談甚洽。爲言江西全省教民六萬。視十年前增十倍。余思從前社會對於西來之教會。往往認某教爲某國之教。今則漸悟宗教無國界。此關可逐漸打破。亦思想進步之一端也。今諸君既設會研究。余有一言。敢爲諸君告。教會所辦附屬事業。一爲慈善。一爲教育。而慈善事業之制度。實較教育爲美。余在內地。所見天主堂附設之學堂。儘有過人處。但所聘教師。與所用教科書。鄙意尙宜大加研究。教師大抵蒙館先生。純用二十

年前村塾舊法教科書除關於宗教者外。仍是學庸論孟三字經千字文之類。其用教科書者。曾未一見。在南昌時。曾請孟神父改良。孟謂已函請上海徐家滙酌定種類。足見彼非不欲改良教育也。祇以語言風俗。互相隔閡。不能與現在較新之教育界接近。故於外邊氣候。不盡了了耳。余所言。純係事實。質直之處。必為貴會諸君所原諒也。聽者無不欽佩。散會時。已鐘鳴九下矣。

外國之部

○法國 教皇大事報登出羅瑪聖職部傳諭天下。絕罰法國瓦帥司鐸之

文

César Vacler

按該司鐸係法國巴點省人。近年來竭力鼓吹教友敬禮一種聖像。名曰：在聖

體內之耶穌聖心。稱該像為顯蹟聖像。又瞻敢祝聖幾種阿斯底亞。稱該阿斯底亞流過聖血。命衆人敬禮朝拜。雖巴點主教再三訓戒。命其撤消此等妄舉。彼竟置若罔聞。毫無悔改。茲聖職部願諭棄絕該司鐸。命衆信人一概斷絕來往。列該司鐸在衆人當避之規條內。Vincens。○巴黎勸募助賑聖物會。五月內開全體大會。總主教亞梅脫公親行監視。助賑聖物會長辣巴爾末大司鐸 Le chanoine Lapalme 先行報告本年所收捐款。得五十萬五千佛郎。較去年之款。多五千佛郎。據云。本年捐款。可助建三十五所小堂。并能備辦各新堂之陳飾要物。此皆諸司鐸請濟士熱心善舉。竭力慷慨解囊之功居多。從此可卜明年捐款。更有進步。得以分贈各處經濟困難之傳教士矣。○致命山聖心大堂祝聖之期將近。堂內大風琴列入法國最大最美備風琴中之一。惟經費尙缺不少。須善士募助焉。○奧爾納 有鄉人姓高特雷者 Gaudin 今年四十六歲。其

近事... 外國之部

妻四十歲生子十人女七人。本年第十七兒生後。地方自治公所會稟縣知事。請政府豁免田糧稅件。以示特別優待。詎料縣知事素性尅薄。竟批答云。高特雷既能勉力完稅。則亦能多蓄子女。所稟着毋庸置議。○蒲爾高潮 邦底尼小村。於六月初三日。舉行該處女修院創立後第八世紀週年慶典。該處聖堂及修院。於一千一百十四年創設。建築之精。美。雄。壯。列入法國第一等古蹟紀念品內。主教帥司內隆公。監行大禮。聖堂雖大。幾不能容衆。可謂盛矣。○衛爾騰 衛爾騰知事於福女若汗納達爾格瞻禮之前。預頒示令。禁人懸掛福女徽章旗幟。公教諸人置之不理。福女瞻禮本日。各處皆懸福女徽章旗幟。知事及警察等。終日東奔西走。諭令下旗。詎知此處方下。那邊又已高懸。黨人之無理取鬧。亦徒然自苦而已。○聖奪尼 七月初七日。聖奪尼大堂內。舉第七世紀百年週年慶典。紀念法王斐理伯奧斯脫於浦維納地方。戰勝日耳曼王奧東第二之事。是日十下鐘。本城主教舉行大禮彌撒。午後二下鐘。公唱我靈感頌。吾主後。某司鐸登臺宣講。當日得勝日耳曼王之事。并演出得勝情形。晚間。尙有他種音樂提燈等會。以誌熱鬧。○亞爾斯村本堂司鐸真福若翰維也納。自列真福品以來。仍行聖蹟甚多。茲聞羅馬禮部於本年四月二十八日。又開會聚議。預備一切聖蹟之案卷。將列入聖品矣。○捋夢 二年前十月十五日。捋夢城新主教榮膺大任。人民歡迎熱鬧。主教入本府時。有飛艇家捋辣濟阿利君者。乘飛艇游行空際。息於主教府第之上。從空擲下花卉枝葉。作半天獻花之故事。誠所謂天花亂

墜。以表賀忱。觀者莫不鼓掌喝采。以爲聞所未聞。見所未見者也。茲緝辣濟阿利君不幸於本年六月初七。在拂來爾地方。飛行失事。受傷頗重。該主教聞耗之下。卽手書慰問。畧云。捋夢城主教不忘君之天花祝賀故事。茲聞君不幸遭无妄之災。本主教卽爲君祈求天主。賜此患不致有重大關係。并賜其不日速痊。以表區區微忱耳。○露德 露德主教於六月初旬。頒諭屬下信民。定於七月二十二日至二十六日止。四日內。衆教友房屋上。一律懸旗掛綵。以示喜慶。蓋屆期萬國聖體大會。將到露德開會。議事者。有樞機大臣十位。主教一百五十餘位。其餘司鐸修士等不計其數。誠盛舉也。○緬甸 瓦城來函云。仰光坡中華僑甚多。尙未建有聖堂。平日與西人同作瞻禮。而另定每主日之一時。特爲華僑作一臺彌撒。甚形不便。三年前蒙本坡法國主教命賴神父經營此事。乃由神父計畫一切。并回法國籌款。順道至羅瑪朝覲。今已將經費籌足。並購辦造堂物料。不久卽可動工。賴神父又在閩省延請教員數人。以備教授華人子弟云。○斐洲 公額六月初四日。主教奧古阿爾公。在主教府聖母大堂內。行祝聖新大風琴之禮。贊禮者有古恩主教一位。及司鐸十餘位。據云。該風琴由法國製就。裝有全具樂管十三副。上下奏音關鍵二層。足踏機一副。是日祝聖畢。卽由法國巴黎聖母堂琴師帥爾讓君奏彈新曲。聞者莫不稱善。想從此以後。斐洲土人聞之。易啟其所禱對越之誠。而引起一般教外人歸正之心矣。

國民須知

近事... 外國之部

衛生要旨 續

若既飽之後。而復食多大嚼。反覺氣短促。腹鼓脹矣。其初二三十日。尚能勉強支持。日積月久。胃臟斷難勝任。因而致病也必矣。諺曰。病從口入。此之謂也。

譬如皮袋。日日裝足且滿。不留餘地。袋必易傷易破。

一日三餐。常例也。分早時。午時。晚時。早飯須早。中飯須飽。晚飯須少。

除分外勞動工人。日行四餐外。餘皆以一日三餐爲宜。

父母溺愛子女。終日飼以零星細物。其妨害衛生。不待智者而知也。

如小兒必欲食零星雜物。則以晝飯晚飯後爲宜。餘時應禁止之。

夏秋兩季。不宜食越宿殺菜。蓋天熱易敗故也。食之受害。

欲食之有益於人。外而火功。內而齒功。又內而胃功。三者不可缺一。火功以熟爛爲度。齒功以多嚼爲要。有此二者。胃功自然易於消化。若囫圇吞棗。則入胃之物。難以消烱。卽或無害。已不能得其益。况未必無害也。蓋齒功弛職。胃功必不能補其缺。未能盡化納胃之物。徒然經過臟腑。不能盡取其脂汁。則一部分之食物。已無益於身體也明矣。故緩食細嚼。有助消化功用。至飲酒一節。尤宜謹慎。不可過度。總以不爲酒困爲主。

未完

新定各省所屬道區域表 續

江蘇省

金陵道 依前江甯鎮江兩府區域轄縣如左

江甯 句容 溧水 高淳 江浦 六合 丹徒 丹陽 金壇 溧陽 揚中

滬海道 依前松江府太倉直隸州海門直隸廳區域轄縣如左

上海 松江 南匯 青浦 奉賢 金山 川沙 太倉 嘉定 寶山 崇明 海門

蘇常道 依前蘇州常州兩府通州直隸州區域轄縣如左

吳 常熟 崑山 吳江 武進 無錫 宜興 江陰 靖江 南通 如皋 泰興

淮揚道 依前淮安揚州兩府區域轄縣如左

淮陰 淮安 泗陽 漣水 阜甯 鹽城 儀徵 東台 興化 泰 高郵 寶應

徐海道 依前徐州府海州直隸州區域轄縣如左

銅山 豐 沛 蕭 礪山 邳 宿遷 睢寧 東海 灌雲 沭陽 贛榆

安徽省

安慶道 依前安廬滁和道區域轄縣如左

懷甯 桐城 宿松 太湖 潛山 望江 合肥 廬江 舒城 巢 無為 滁 全椒 來安 和 含山

蕪湖道 依前徽甯池太廣道區域轄縣如左

蕪湖 繁昌 當塗 廣德 郎溪 歙 黟 休甯 婺源 祁門 績溪 宣城 南陵 涇 太平 旌德

寧國 貴池 銅陵 石埭 東流 秋浦 青陽

國民須知 ... 新定各省所屬道區域表

國民領知 ... 新定各省所屬道區域表

三百八十一

淮泗道 依前鳳潁六泗道區域轄縣如左

鳳陽 定遠 鳳臺 懷遠 靈璧 壽 宿 阜陽 潁上 太和 霍邱 蒙城 渦陽 亳 六安 英山
霍山 泗 五河 盱眙 天長

江西省

豫章道 依原贛東道區域轄縣如左

南昌 新建 豐城 進賢 南城 黎川 南豐 廣昌 資溪 臨川 金谿 崇仁 宜黃 樂安 東鄉
餘江 上饒 玉山 弋陽 貴溪 鉛山 廣豐 橫峯

廬陵道 依原贛西道區域轄縣如左

宜春 泰和 吉水 永豐 安福 遂川 萬安 永新 寧岡 蓮花 清江 新淦 新喻 峽江 吉安
分宜 萍鄉 萬載 高安 上高 宜豐

贛南道 依原贛南道區域轄縣如左

贛縣 零都 信豐 興國 會昌 安遠 尋鄔 龍南 定南 虔南 大庾 南康 上猶 崇義 寧都
瑞金 石城

潯陽道 依原贛北道區域轄縣如左

九江 德安 瑞昌 湖口 彭澤 星子 都昌 永修 安義 鄱陽 餘干 樂平 浮梁 德興 萬年
奉新 靖安 武寧 修水 銅鼓

中外大事表

(凡事發生之日以載於各報者為憑)

未完

六月二十一日參政院開幕大總統派徐國務卿代表致頌詞 白匪回竄龍駒寨將由荆紫關入汴所過焚掠一空 匪黨宋一眼陷西華縣

廿二日以丁振鐸為審計院長徐恩元副之 以施肇基為駐英全權公使 命張鳳翔來京覲見以陸建章為陝西都督 廣東西北兩江同時水漲圍基冲决無數 晉匪弓富魁續在禮據崑崙山作亂

廿四日參政院張蔭棠勞乃宜辭職以錢恂楊度補其遺缺 內務總長通令各省官吏一律剪辮

廿五日以黃開文為總統府禮官 濟南至彰德及高密至徐州之鐵路合同中德兩國已畫押 張家口兵變○塞維亞國王因政躬不豫命王太子攝政

廿六日湘江大水冲决圩堤甚多永州及衡州受災尤重 山西口外包頭鎮兵變

廿七日順天府尹王治馨以賄賂知事缺被擊 政府與英國馬爾哥尼公司訂借英金二百萬磅設無綫電報八處 已簽字

廿八日大總統下令求直言 政府派駐墨公使陳錄赴澳門籌商中葡畫界事宜 蘇巡按使通電三年度縣市鄉教育費仍照二年度預算辦理○蘇門答臘地震海陸電綫皆斷房屋官署均震坍

三十日大總統以粵省廣肇兩屬暨贛省南贛諸河大水為異命財政部賑粵五萬元賑贛二萬元 白匪陷山陽縣

... 中外大事表

乘勝攻入竹林關焚掠甚慘 大元帥以白匪猖獗日甚特懸重賞如能撲滅白匪者賞洋十萬元○奧皇太子及其妃游塞維亞為刺客狙擊而死

七月一日大總統下令以參政院代行立法院職權 以浙江巡按使屈映光年解中央三百萬元晉授勳四位 裁撤福建鎮守副使 韓巡按使查禁理門邪教

二日下令裁撤都督建將軍府於北京以段祺瑞為建威上將軍管理將軍府事務張勳為定武上將軍兼管長江巡閱使其餘各省都督均改稱將軍督理本省軍務 又以蔡錕為昭威將軍蔣尊簋為宣威將軍張鳳翔為揚威將軍 裁撤吉林黑龍江護軍使

三日下午各省將軍仍適用前制定之軍政民政長官管轄軍隊權限條例 公布懲治盜匪條例凡結夥三人以上執持槍械者均死

五日張鳳翔到京○墨美和約告成總統烏爾太須辭職由各黨共同組織墨西哥新政府

六日大總統下令內外蒙古王公喇嘛自章嘉以次遇有具呈事件駐京有商卓特巴札薩克喇嘛者均由該喇嘛代遞在外各呼圖克圖無論有無商卓特巴札薩克喇嘛均自行呈明本管各旗札薩克或盟長轉遞並以教務及所屬寺廟為限毋得妄干政務惟優待條件仍一律照辦

白匪已進河南界 法部通飭已設審檢廳地方縣知事不得收受詞訟

三百八十三

八日特任丁槐為奮威將軍 白匪逼近南陽府
 九日大總統以廣西梧州柳州平樂等處河水為災着
 財政部速籌銀五萬元以賑之 大元帥旗擬定用雙龍
 式 張家口變兵一百十五名及連長張德貞石宗幹唐
 守義胡祥義舒明通等一律槍斃
 十日海軍次長李和出差以劉傳綬兼代之 改綏遠城將
 軍為都統並於綏遠熱河察哈爾三處各設道尹一缺
 西藏會議決裂 白狼入荆紫關東甯南陽解嚴
 十一日馮煦毛慶藩辭職以高增爵秦望瀾為參政 政府
 公布鼓勵教育基本全章程自民國六年起至四十五年
 止受津貼之學員額設千二百人每人每年以四百元為
 限 藏議決裂中英藏三代代表皆返國 清宮失慎即息
 駐滬通濟練習艦火藥失慎炸死三十餘人
 十二日甘肅巡按使張廣建電陳建威軍統領吳炳燾擊斃
 白匪悍黨李鴻賓宋老年 大總統下令嚴禁各知事浮
 收驗契費
 十三日中蒙停戰期已滿政府照會俄使拒絕展限 約法
 會議休會四星期 汴匪黃二成揭竿起事竄入皖境
 長蘆廢除引岸 亂黨戴天仇運動東三省軍隊被獲槍
 斃
 十四日董康辭文官高等懲戒委員會長兼職以周樹模繼
 之 下令以甯夏將軍事務改歸護軍使管理
 十五日大總統以藏事決裂急電川西鎮守使增添防邊軍

隊又命成武將軍胡景伊固守鄉城打箭爐察木多勿越
 界西進
 十六日白匪撲陷鄧州竄入鄂境隨州直抵老河口與南
 方亂黨合而為一勢張甚 杭州大風電報電話均不通
 ○德國駐華公使哈豪森病歿於柏林 墨西哥總統烏
 爾太已宣告退位
 十七日以章宗元為幣制局副總裁劉心源為湖南巡按使
 韓國鈞為安徽巡按使齊耀琳為江蘇巡按使孟憲彝為
 吉林巡按使 內務部通令取締女子之自由○法總統
 赴俄
 十八日以溫朝詒為江蘇水上警察第一廳廳長趙會騰為
 第二廳廳長 白匪逼襄城許州主教急電意國使館求
 援政府密飭田文烈撥隊堵守○墨西哥總統烏爾太已
 辭職離京
 十九日英美公使以浙江省違約征稅向外交部提起抗議
 德國克魯伯炮廠將於京張鐵路沿線之沙河鎮建一
 製造軍械廠已由政府允准本年九月間興工 登州沿
 海有大幫黨匪出現
 二十日宋聯奎辭職以鈕傳善暫署陝西巡按使 派湯化
 龍為學術評定會委員長 白匪支隊陷葉縣大股直奔
 歸德府 馮將軍通飭查禁少林邪教
 江南主教姚 准

上海羅家灣 **震旦大學院招考** 新插 **班生**

本院教授歐美大學校之各等科學如英法文
辣丁文哲學算學理化測繪技術博物礦學衛
生經濟法律醫學等等能自擇定學科以求專
門再本院外教進教一律俱收不分界限全年
學費膳宿費及一切零費共計之約需洋一百
二十元與一百五十元間所費比中國學校為
廉若比外國大學校所費更廉

考期 陽曆七月初一日又陽曆八月自二
十六日起至三十一日止

開學 陽曆九月初二日即陰曆七月二十
日

凡距滬過遠不能如期赴試者可就近商請本
堂神父面試

廣東水災募捐啟

敬啟者本年廣肇各地山洪暴發東江西江同
時泛濫基圍崩決多至數十處田禾既已漂沒
人畜牛盡死亡其幸而未死者無論教民與非
教民大都逃至山頭日夜露處老弱棄於道左
少壯者嗷嗷待哺望之亦不成人形此種巨災
實為數十年來所未有本館連接該處教友來
信又奉本省姚大司牧諭諄囑勸募賑款以拯
此將死未死之遺黎素稔 諸大善士惻隱為
懷痾瘼在抱對於此等慘狀必能體大造好生
之德慷慨解囊也如蒙捐款請寄至本館編輯
處當代為滙解計現已收到者程文明善士洋
五元李錫庚善士洋二元陳蔭其善士洋一元
徐滙不留名善士一元無名字二角謹此誌謝
並揚 仁風

新出
余山聖母記

▲最美麗之刷印品

▲敬聖母者不可不讀

是書專載余山聖母之歷史自購地建小堂起以及天津教
禍谷鐸許願聖母保佑翻造大堂建築特別苦路祝聖朝聖
之盛況原原本本鉅細靡遺全書共三十篇插圖三十二幅
每張分爲上下兩層上層圖畫下層記事四周繞以花邊圖
畫用銅版記事及花邊均請名手繕寫而以鉛版鑄成之而
且顏色花紋每張各不同手續之繁無逾於此其中如郎
主教像及第一次小堂各攝影均由各處覓得尤爲近今所
罕觀是書本爲余山聖母之紀念品故以上等蠟紙加工精
印其內容及裝潢之美麗不特滬上所未見亦爲土山灣第
一次空前之出品說者謂雖泰西著名之印刷所亦不過爾
爾可見是書之價值矣全書共一小冊每冊售小洋一角銅
元六枚如購兩本小洋三角欲購者請速函致土山灣印書
館可也

聖心報館啟

聖教啟蒙課本教授法出

版廣告

本館所編之啟蒙課本教授法自登報預告後
購者紛紛不絕因爲印刷工人所誤遂致延緩
今已趕印成書完全出版此書共訂一冊（封
面之第一冊三字及末頁書邊之第一冊三字
均爲手民所誤本館因其無甚緊要故仍之俟
再版時改正）編輯之善前已詳述無容更贅
每冊售大洋兩角欲購者請速函致土山灣印
書館或新北門外中西書室當立即照奉不誤

聖心報館啟